

պիսի հինաւուրց խաղողի վազեր կտեսնէք, որոնք մարդուս ոտքի հաստութեամբ են, ահագին հաստութեամբ և բարձրութեամբ ծառի արմատից սկսած մինչև կատարն են բարձրանում և փաթաթում են բոլոր ճիւղերի վրայ: Այսպիսի հինաւուրց խաղողի վազը առատ տարին տալիս է մի ահագին սայլ լիքը խաղող: Բայց ողկոյղները խիտ տերևների տակ ծածկուած լինելու պատճառով ընդհանրապէս այս կողմերում խաղողը լաւ չի հասունանում և հետևաբար գինին լինում է թթու, թոյլ ու անգոյն: Սակայն աշխատասէր Ուտիացին ոչ մի կաթիլ գինի չի ծախի իւր մասնում գետնի տակը թաղուած մի քանի տասնեակ լիքը կարասներից. այլ ձմեռնային ամիսներին՝ ուրախութեան, նշանադրութեան ու հարսանեաց և բարեկենդանի ժամանակ՝ Մուղանի անապատի և Կուր գետի ափերից որս բերած խոզի խորովածի վրայից կխմէ իւր թթուաշ գինին և կուտեցնէ ու կխմցնէ իւր տան պատուական հիւրերին: Ընդհանրապէս Ուտիացոց աշխարհի դաշտային բոլոր աշխատանքները կատարում են քայտուով: ս աղամարդիկ, իսկ տնայինները՝ կանայքն ու հարսները և մատաղահաս աղջիկները:

Գ

ԿԱՆԱՆՅ ՊԱՐԱՊՄ ՈՒՆՔՆԵՐԸ ԵՒ ՆՐԱՆՅ ՎԻՃԱԿԸ

Տնային բոլոր աշխատանքները կատարում են բացառապէս կանայք: Ահա այդ աշխատանքները. կարել, ձեկել, լուանալ, բուրդ գգել և մա-